



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiae Palativm


Variis Sacrae-Scripturae Locis, Atque Septem misericordiae operibus quasi
peristromatibus exornatum

Gzaeus, Nicolaus

Augustae Trevirorum, 1618

Quod aquae haustus propter Dei amorem pauperi datus, non sit mercede
cariturus cap.14.

[urn:nbn:de:hbz:466:1-54459](https://nbn-resolving.org/urn:nbn:de:hbz:466:1-54459)


 QVOD AQVÆ HAV-
 STVS PROPTER DEI AMO-
 REM PAUPERI DATVS,
 non sit mercede caritu-
 rus.

CAPVT XIV.

SI profanarum historiarū annales reuol-
 uamus Reges plurimos reperiemus qui
 ob acceptum aquæ cyphum maxima præ-
 mia, rependerunt. Artaxerxes aquæ semel
 cyphum accepit, summam patiens sitim,
 ne cis qui putridum propinarat potum, sua
 mercede vacauit. Simile est q̄ de Dario re-
 ferunt historiographi: qui ab inimicis suis
 infecutus, tanta cū voluptate aquā fœtentē
 epotauit, vt deliciarū omnium oblitus, po-
 tum vnquam gratiorē se gustasse negaret.
 Quod cū ita sit in regibus terrenis atq; bar-
 baris; quis in cœlesti rege idem futurum
 ambigat? Spondet, promittit, atque pol-
 licetur abundanter se illi redditurum, qui
 pro honore ipsius haustum lymphę paupe-
 ri indigenti propinauerit. Hæc propria il-
 lius verba sunt: *Quisquis enim potū dederit*
vobis

*Cic. lib. 5.
Tuscul.*

Handwritten marginal notes in a cursive script, possibly a library or ownership mark.

64^l POTVM DARE SITIEN.

Marc. 9.

vobis calicē aquae frigidae in nomine meo, quia Christi estis, amen dico vobis non perdet mercedem suam. Plura adijcit alio in loco dicēs

Matth. 10.

Quicumque potum dederit vni ex minimis istis calicem aquae frigidae, tantum in nomine discipuli, amen dico vobis non perdet mercedē suam.

Iohannis. 4.

Insuper & mulieri Samaritanæ pro aquæ dumtaxat hauſtu, fontem aquæ viuæ promittit, salientem in vitam æternam. Venit (inquit textus) mulier haurire aquā. Et ait illi Iesus: Da mihi bibere. Quæ cum longioribus verbis moras protraheret, differretque postulanti petita tribuere, dixit illi Dominus: Si scires donum Dei, & quis est qui dicit tibi da mihi bibere, tu forsitan petisses ab eo, & dedisset tibi aquam viuam. Et sanè non modo promittit aquam largientibus, aquæ viuæ fontem; sed vini optimi & delicias & abundantiam. Contra verò eos maxime redarguet atque reprehendet, qui indigentibus membris suis, aquam, que nullius est momenti recusauerint. Quod liquido constabit, si in memoriam reuocemus quomodo Christus Simonem laprosum increpauerit, eo quod intranti sibi in domum suam, aquam pedibus non tribuerit. Nam formando argumentum à minori ad maius, si Dominus tanta usus est incre-

patio-

patione, adeòque hominem qui pedibus
 aquam non tribuerat, reprehendit; quanto
 magis in eum inuehetur qui non pedibus
 pauperum, sed ori sitienti potum denega-
 uerit? Futuram vindictam in Licaonij s be-
 ne figuratam reperio, qui cum Latoniam
 Apollinis & Dianæ matrem (vt fabula re-
 fert poëtica) Iunonis persecutionem fugi-
 entem, sitientem à flumine propulsassent; à
 Ioue in locustas in sui criminis pœnam cõ-
 uersi sunt. Nec caret mysterio, quamuis fa-
 bulosa sit narratio. Licaonij & Iuno Lato-
 niam persequētes, Inhumani sunt, qui pau-
 peri mulierculæ, id est indigenti, aquam de-
 negant, quos in criminis pœnam Iuppiter
 vel melius *Iunans Pater* æternis adiudica-
 bit ignibus, ubi ad instar locustarum gan-
 nient & obmurmurabunt diuinã blasphemantes iustitiam.

Ouid. lib. 6.
 Metamorph.

Omissis fabulosis quæ hic adscribi pos-
 sent narrationibus, historijs, atque scriptu-
 ræ sacræ testimonijs comprobemus, hau-
 stum aquæ pro Dei amore datum, sua mer-
 cede non cariturum. Sapiens de Misericor-
 de homine loquens, ait: *Aqua Sapientie sa-
 lutaris potabit illum Dominus Deus noster.*
 Non præmio vacauit Abraham, qui eiectæ
 è domo sua ancillæ, aquam adiunxit.

Genes. 21.

T Non

Genes. 24.

Non sua mercede fraudata fuit decora virgo Rebecca, quæ petenti Eliezer: *Da mihi aquam de hydra tua*, responderat: *Et tu bibe, & Camelis tuis tribuam potum*; Subito namque proferens ille in aures atque dextraliola, eam elegit in uxorem filio Domini sui. Non abs re igitur Moyſes coegerat, ut

Exod. 2.

pastores, greges terro eorumque seruatrices puellas ad aquarent, siquidem ex hoc opere sceminam sibi coniugem filiam terro nomine Sephoram meruit adipisci. Non Charitatis præmio defraudatus fuit Booz qui viduæ Ruth in agris suis metenti dixe-

Ruth. 2.

rat: *si situeris vade ad sarcinulas, & bibe aquas*, eam namq; postea uxorem habuit, ex qua luminaria orbis, Regiæque dignitatis præclara prodire diademata David & Salomon, à quibus pariter humanitas Christi suæ genealogiæ desumpsit originē. Quid Sareptanā memorem mulierē, cuius hydra non imminuta est, cuiq; oleū nō defuit, eo qd Eliz sitienti potū tribuerat? Quid Ecclesiasticas referā historias: Leoni promittitur cœlitus imperiū, quoniā cæco sitibundo aquam vel alterius generis potū tribuerat? Quid Sanctorū hominū, mulierumque exempla recenseam, cū ipse Dominus affluētia satis exempla ministret? Ismaeli sitienti fontē limpidissimū ostendit, Isaac puteum

Genes. 21.
24. 26.

pro-

pducit: Aquã amarã, salis immissione ad dul-
 cedinẽ reuocat, & vt in conuiuio suã chari-
 tatis munificentia demonstraret, aquã vi-
 num facit. Quid vltra? proprio corpori nõ
 pepercit, sed sitibũdis mortalib⁹ in arbore
 Crucis p̄dens aquã fontẽ ex suo latere p̄-
 ducit. Vt quid hoc? nisi vt sitientib⁹ subue-
 niat? Notatu dignissimã refert historiã Xi-
 philinus cũ pluribus alijs. Cum Romani tẽ-
 pore Antonij Imperatoris in Barbaros si-
 gna conuertissent, belli industria in angu-
 stijs locorũ intercepti, vbi nulla potus da-
 batur facultas, siti maxima premente, tur-
 matim quasi cãsi gladijs prostrabantur.
 Clades ad Imperatorem defertur, mors
 cuique propinqua ex vrgente necessitate,
 denunciatur. Legionẽ Christianorum (quẽ
 in exercitũ erat) rogat imperator, vt pro
 comũni salute diuinã opẽ imploret. Chri-
 stiani Imperatoris mandatum mox vt exe-
 quantur diuinum sensere auxilium. Fulgu-
 reccelitus immissõ visibiliter, prosternun-
 tur Barbari, Romanique imbre sufficienti
 perfusi & sitim extinguunt, & locorum an-
 gustias superantes, victores ab inimicis re-
 uertuntur. Non ab simile refert historiam
 Paulus Emilius. Temporib⁹ Urbani Pape,
 cũ expeditione apparata Christian⁹ exerci-

*Num. 20.
 Exod. 15.
 Ioannis. 2.
 Item. 19.*

*In vita
 Antonij.
 Heymon de
 Chyrist. rerum
 memoria lib. 1.
 cap. 7.*

*Tertul. in
 apol. c. 5.*

*In hist. gall.
 lib. 4.*

Tulz sus

veni
 dicit
 ra

tus, versus Hierusalem proficisceretur, iamque committendum esset prælium, & locorum angustijs pressi laticem ad refrigerium non inuenirent; & exercitus de victoria desperaret, Godefridus eorum dux hunc in modum deum rogauit: Pater Misericordiarum, afflictorumque consolator, qui olim è petra aquas emanare fecisti, siquidem pro tui nominis gloria decertam, miseris postulantibus in tanta ariditate deficientibus, rorem tuæ benedictionis infunde. Vix orationi finem imposuerat, cum subito diuinum affuit auxilium. Aperuntur cataractæ cœli, & cœlum quod diuquam denegauerat, iam ad sufficientiam & abundanter omnibus elargitur. Vnde milites recreati, gratias agentes omnipotenti, læti in arma ruebant. Quid ultra diuinam exaggerem bonitatem? Scatent vndique similibus exemplis codices. Reficit diuina Clementia D. Clementi demonstratus fons sub agni pede Christianorum exulum duomillia. Claret vndiq; Dei Misericordia, qua Christi fidelium moueat præcordia. Non est igitur necesse vt de hoc Misericordia opere plura scribamus *Sat prata bibere.*

Virg. in Eglog

Claudite iam riuos, &c. & ad peregrinorum susceptionem veniamus.

DE